

DEPUTACIÓN PROVINCIAL

DA CORUÑA

**Acta da sesión EXTRAORDINARIA URXENTE
celebrada pola EXCMA. CORPORACIÓN PROVINCIAL
o 12 de MARZO de 2004**

Orde do día dos asuntos que se van tratar na sesión PLENARIA EXTRAORDINARIA URXENTE que se vai celebrar o día 12 de marzo de 2004, ás TRECE HORAS.

ASUNTOS

1.-Ratificación da urxencia.

2.-Condena dos atentados perpetrados na vila de Madrid o día 11 de marzo.

DEPUTACIÓN PROVINCIAL

DA CORUÑA

SESIÓN EXTRAORDINARIA URXENTE DA EXCMA. CORPORACIÓN PROVINCIAL EN PLENO DO 12 DE MARZO DE 2004

No salón de sesións do pazo provincial da Coruña, o día 12 de marzo de 2004, reuniuse a Excma. Corporación Provincial para celebrar sesión **extraordinaria urxente**.

CONCORRENTES

PRESIDE O ILMO. SR:

DON JESÚS SALVADOR FERNÁNDEZ MOREDA PSOE

ASISTEN OS SRES. DEPUTADOS SEGUENTES:

DON JOSÉ LUIS ARMADA CASTRO PSOE

DON XAIME BELLO COSTA BNG

DON MANUEL CAAMAÑO LOURO PP

DON FRANCISCO ANTONIO CANDELA CASTRILLO PSOE

DONA MARÍA SOCORRO CEA VÁZQUEZ BNG

DON JOSÉ MANUEL CENDÁN FERNÁNDEZ PP

DON GERMÁN DIZ ARÉN PSOE

DON JOSÉ LUIS FONDO AGUIAR PP

DON JOSÉ ANDRÉS GARCÍA CARDESO PP

DON JOSÉ GARCÍA LIÑARES PSOE

DONA RAQUEL JABARES FERNÁNDEZ BNG

DON ANTONIO SALVADOR LAGARES PÉREZ PSOE

DON EDUARDO LAMAS SÁNCHEZ PP

DON CARLOS ENRIQUE LÓPEZ CRESPO PP

DON JOSÉ MANUEL LÓPEZ VARELA PP

DON MANUEL NOCEDA LAMELA PSOE

DON JOSÉ FEDERICO NOGUEIRA FERNÁNDEZ PSOE

DON CELESTINO POZA DOMÍNGUEZ PSOE

DON MIGUEL PRADO PATIÑO PP

DON RAMÓN QUINTÁNS VILA PSOE

DON ERNESTO RIEIRO OREIRO PP

DON JOSÉ ANTONIO SANTISO MIRAMONTES PP

DON MANUEL TABOADA VIGO PP

DON JOSÉ LUIS TORRES COLOMER
DONA MARGARIDA VÁZQUEZ VERAS
DON PABLO VILLAMAR DÍAZ

PP
BNG
BNG

Escúsanse os Sres. Campo Fernández, Pose Miñones, Rodríguez Rodríguez e a Sra. Souto Iglesias.

Actúa como secretario, don José Luis Almau Supervía, secretario xeral da Corporación e está presente o viceinterventor xeral, don José Manuel Pardellas Rivera.

Aberto o acto ás trece horas, o señor secretario procede á lectura da Resolución da Presidencia núm. 3.049, con data do 11 de marzo de 2004, pola que se convoca sesión extraordinaria urxente, con indicación dos asuntos incluídos na orde do día, con relación ós cales, por unanimidade, bardante nos casos en que se indique, adoptáronse os seguintes acordos:

1.-RATIFICACIÓN DA URXENCIA.

Por unanimidade, ratifícase a urxencia.

2.-CONDENA DOS ATENTADOS PERPETRADOS NA VILA DE MADRID O DÍA 11 DE MARZO.

INTERVENCIONS

Sr. presidente

Este é un Pleno extraordinario e singular da Deputación provincial, e eu rogaríalle ao Sr. vicepresidente da Deputación que viñera sentarse aquí, e ao Sr. voceiro do grupo popular que viñese a sentarse tamén na Presidencia, por favor ocupen eses asentos. Creo que estamos todos unidos en contra do que onte aconteceu en Madrid, pero creo que cómpre amosar esa imaxe de unidade, e eu quero ler esta declaración institucional, pactada por todos os grupos políticos, arrodado do voceiro do Bloque Nacionalista Galego e arrodado do voceiro do grupo do Partido Popular para dar esa imaxe de unidade, sen fisuras, de todas as forzas políticas en contra do terrorismo e a solidariedade co pobo de Madrid, cos feridos e coas familias.

A declaración institucional da Deputación da Coruña que se presenta en nome dos tres grupos políticos di o seguinte:

DECLARACIÓN INSTITUCIONAL DA DEPUTACIÓN DA CORUÑA

Os grupos políticos que conforman a Corporación Provincial da Coruña -PSdG-PSOE, BNG e PP e o persoal ao servizo da Administración provincial-, manifestan a súa enérxica condena e rexeitamento diante do máis grave e tráxico atentado terrorista perpetrado na historia da democracia española.

A Corporación Provincial da Coruña, ademais de subliñar o seu abraio pola execrábel acción terrorista que causou até o momento 198 mortos e máis de 1400 feridos, quere expresar as súas mostras de condolencia e solidariedade cos familiares das vítimas e coas persoas feridas no atentado, aos que lles desexamos unha pronta e satisfactoria recuperación.

Os terroristas que onte provocaron unha traxedia en Madrid só perseguen sementar a dor, romper a convivencia pacífica dos cidadáns, e debilitar os sólidos piares dun Estado de Dereito, froito do traballo, o esforzo e o consenso de todos os españois durante os últimos vinte e cinco anos.

Os deputados e deputadas provinciais, en representación do conxunto dos cidadáns da provincia, reafirman o seu convencemento no feito de que a unidade, a firmeza e a serenidade ante sucesos tan graves constitúen a única forma de combater o terror dos que queren imponer as súas ideas fraticidas coas bombas e coas armas.

Os criminais non teñen cabida nunha sociedade democrática. Débense aillar, perseguir e condenar, pois non pode haber diálogo cos que fan do asasinato o seu único discurso.

Expresamos o noso apoio ás Forzas e Corpos de Seguridade do Estado na súa loita antiterrorista, e queremos agradecer o traballo xeneroso e solidario de todos os que durante a xornada de onte colaboraron na atención ás vítimas dos atentados de Madrid. Hoxe todos nos sentimos madrileños.

Todos debemos estar hoxe máis unidos ca nunca contra a barbarie terrorista e en pro dos valores esenciais da democracia e a defensa dunha convivencia pacífica. Por iso quérese facer un chamamento á cidadanía coruñesa para que participen masivamente nas

manifestacións e concentracións que para hoxe se convocaron nos distintos municipios da provincia.

A nosa condena do terrorismo, a nosa máis decidida defensa dun Estado Democrático, o rechazo e o aillamento social dos terroristas tense que visualizar nestes actos de protesta cidadá.

A Deputación da Coruña, por acordo unánime de todos os seus grupos políticos e expresando tamén o sentir de todas as persoas que traballan nesta Institución, convida aos cidadáns para que participen nas manifestacións que esta tarde, ás 19 horas, e convocadas por todos os grupos políticos se levarán a cabo co lema único de “COAS VÍTIMAS, COA CONSTITUCIÓN E POLA DERROTA DO TERRORISMO”.

Apelamos finalmente á responsabilidade do conxunto da cidadanía para que o domingo coa súa participación nas urnas exprese o seu firme e absoluto rexeitamento ao terrorismo, e a defensa da liberdade e da democracia.

De seguido gárdase un minuto de silencio.

Sr. presidente

Moitas grazas, oxalá que nunca teñamos que celebrar un Pleno coma este.

Ao non haber máis asuntos dos que tratar remátase a sesión, sendo as trece horas e dez minutos, procedéndose a redactar a acta e autorizándose a súa transcripción, que asino co Ilmo. Sr. presidente, de todo o cal eu, o secretario, dou fe.